

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-15134/18
Sarajevo, 16.08.2018.godine

Na temelju člana 64. stav (1) tačka b) najniža cijena, članova 25.,32. i člana 70. stav (1), (3) i (6) Zakona o javnim nabavkama ("Službeni glasnik BiH", broj 39/14), člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, a na preporuku Komisije za javnu nabavku radova Općinski načelnik, d o n o s i :

ODLUKU

o izboru najpovoljnijeg ponuđača u predmetu - Izvođenje radova na izgradnji objekta Sportsko-rekreacionog centra Dobrinja

I

Prihvata se preporuka Komisije za javnu nabavku radova i okvirni sporazum za javnu nabavku u predmetu - Izvođenje radova na izgradnji objekta Sportsko-rekreacionog centra Dobrinja, broj obavještenja 422-1-3-170-3-71/18 objavljenom u Službenom glasniku br. 50/18 dana 20.07.2018.godine i na Portalu javnih nabavki Agencije za javne nabavke BiH dana 13.07.2018.godine, dodjeljuje se ponuđaču UNIGRADNJA dd Sarajevo, adresa Mula Mustafe Bašeskije br.10., Sarajevo, sa ponuđenom cijenom za okvirni sporazum u iznosu od 6.632.627,98 KM sa uračunatim PDV-om.

II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o radu Komisije sa preporukom za dodjelu okvirnog sporazuma u spisu.

III

Zadužuje se Služba za zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi okvirni sporazum i dostavi Općinskom načelniku na potpis.

IV

Konstatuje se da je ponuđač iz tačke I ove Odluke dostavio sve tražene dokumente koji su definisani slijedećim podtačkama tenderske dokumentacije:

- podtačka 3.1.3. tenderske dokumentacije, koji se odnose na član 45. stav 2. tačka od a) do d) Zakona;
- podtačka 3.2. vezano za obavljane profesionalne djelatnosti ponuđača i
- podtačka 3.3. tenderske dokumentacije, koja se odnosi na ekonomsku i finansijsku sposobnost

Obzirom na navedeno, ponuđač se oslobađa naknadnog dostavljanja istih.

Obrazloženje

Postupak javne nabavke pokrenut je Odlukom o pokretanju postupka javne nabavke u predmetu - Izvođenje radova na izgradnji objekta Sportsko-rekreacionog centra Dobrinja br. 02/12-23-15134/18 od 12.07.2018.godine. Odlukom o pokretanju postupka javne nabavke, procjenjena vrijednost javne nabavke iznosi 5.897.435,90 KM, a vrijednost nabavke sa uračunatim PDV-om iznosi 6.900.000,00 KM. Javna nabavka provedena je putem otvorenog postupka za dostavu ponuda br. obavještenja 422-1-3-170-3-71/18 objavljenom u Službenom glasniku br. 50/18 dana 20.07.2018.godine i na Portalu javnih nabavki Agencije za javne nabavke BiH dana 13.07.2018.godine.

Zapisnikom sa otvaranja ponuda od 10.08.2018.godine Komisija je utvrdila da su u ostavljenom krajnjem roku za otvaranje ponuda, blagovremeno i propisno upakovane dostavljene dvije (2) ponude i to od strane ponuđača Unigradnja dd Sarajevo i Džekos doo Sarajevo. Zapisnik sa otvaranja ponuda dostavljen ponuđačima na fax.

Komisija je pristupila analizi i procjeni dokumentacije priložene uz dostavljene ponude te utvrdila da su iste potpune i da ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila i računsku kontrolu zaprimljenih ponuda, te konstatovala da je ponuda ponuđača Unigradnja dd Sarajevo računski ispravna.

Računskom kontrolom ponude ponuđača Džekos doo Sarajevo utvrđene su računске greške. Računske greške su uticale na ukupni iznos koji nakon korekcija iznosi 6.866.391,34, zatim iznos nepredviđenih radova (3%) koji nakon korekcija iznosi 205.991,74, na iznos popusta (5%) koji nakon korekcija iznosi 353.619,15, kao i na iznos PDV-a koji nakon korekcije iznosi 1.142.189,87. Ukupna cijena ponude sa PDV-om nakon izvršene računске kontrole iznosi 7.860.953,79 KM. U skladu sa primjenom Zakona o javnim nabavkama, Komisija je dostavila ponuđaču akt kojim je traženo izjašnjenje na uočene računске greške. Aktom br. 5339/18 od 16.08.2018.godine ponuđač je dao saglasnost da ukupna cijena ponude sa PDV-om nakon izvršene računске kontrole iznosi 7.860.953,79 KM.

Za predmetnu nabavku provedenu putem otvorenog postupka za dodjelu okvirnog sporazuma u predmetu Izvođenje radova na izgradnji objekta Sportsko-rekreacionog centra Dobrinja, dostavljene su dvije (2) ponude, obje prihvatljive, računski ispravne i koje ispunjavaju kvalifikacione uslove date u tenderskoj dokumentaciji. Shodno članu 64. Zakona stav b) i kriteriju najniže cijene - tačka 5.1. tenderske dokumentacije, Komisija je pravilno i potpuno izvršila ocijenu kvalificiranosti ponuda, te ocjenu, poređenje i rang listu prihvatljivih ponuda i utvrdila da je ponuda ponuđača Unigradnja dd Sarajevo, ocjenjena najpovoljnijom sa ukupno ponuđenom cijenom za okvirni sporazum u iznosu od 6.632.627,98 KM sa uračunatim PDV-om.

Rang lista ostalih ponuđača:

2. Džekos doo Sarajevo.....u iznosu od 7.860.953,79 KM sa uračunatim PDV-om

Uzevši u obzir naprijed navedeno, kao i da je izbor ponuđača izvršen u skladu sa Zakonom o javnim nabavkama, podzakonskim aktima i uslovima definisanim tenderskom dokumentacijom, u cjelosti se prihvata Zapisnik o radu i preporuka Komisije za dodjelu ugovora. Na osnovu gore navedenog, odlučeno je kao u dispozitivu Odluke.

Pouka o pravnom lijeku

Ponuđač/i koji su sudjelovali u postupku javne nabavke mogu radi zaštite svojih prava i pravnih interesa, izjaviti žalbu ugovornom organu u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Enisa Bahić, dipl. pravnik

Dostaviti:

1. Ponuđaču/ima- učesniku/icima postupka
2. Služba za zajedničke poslove
3. Arhivi u spis

